

# Inuussutissarsiutigalugu aalisarnermi aammalu nunami tunisassiorneq pillugu tunisassiornikkut aninkaasaqarnikkullu paasissutissanik nalunaarutiginnittarneq pillugu Namminersorlutik Oqartussat nalunaarutaat

Aalisarneq pillugu Inatsisartut Inatsisaanni nr. 18, 31. oktober 1996-imeersumi §§ 25 aamma 33 imm. 2, kingullermik Inatsisartut Inatsisaanni nr. 17, 3. december 2009-meersumi aamma nr. 28, 28. november 2016-imeersumi allanngortinneqartoq naapertorlugu, aalajangersarneqarpoq:

## Atuuffia

**§ 1.** Kalaallit Nunaata aalisarnikkut imartami oqartussaaffigisaani inuussutissarsiutigalugu aalisarnermut nalunaarut atuuppoq, kiisalu taamatut oqartussaaffiup avataani Kalaallit Nunaanneersut 6 miiterinit anginerusumik aalisariuteqarlutik aalisartartunut atuulluni.

*Imm. 2.* Nalunaaruttaaq nunami tunisassiorfinnut tunitsivinnullu aalisakkerinermut attuumassuteqartunut aamma atuutsinneqarpoq.

*Imm. 3.* Nalunaarut aalisartunut 6 meterisut angitigisumik minnermilluunniit aalisariutilinnut atuutsinneqanngilaq.

## Paasissutissanik nalunaaruteqarnissamut piumasaqaat

**§ 2.** Ingerlatseqatigiiffimmit § 1-imi ilaatinneqartumik ingerlatsoq, ukiut tamaasa 1. juli nallertinnagu Aalisarnermut Naalakkersuisoqarfimmut ukioq qaangiuttumi aalisariummi, tunisassiorfimmi imaluunniit tunitsivimmi pineqartumi tunisassiornikkut aninkaasaqarnikkullu pissutsit pillugit paasissutissanik nalunaaruteqartassaaq.

*Imm. 2.* Paasissutissat imm. 1-mi nalunaarutigeqquneqartut nalunaarutigineqannginnerini kukkunersiusumit nalunaarsorneqarnikumit akuersissutilimmilluunniit atsiorneqarsimassapput.

*Imm. 3.* Nalunaarusiornermi paasissutissat ilanngussami 1-imi, 2-mi 3-milu taaneqartut ilanngunneqassapput.

**§ 3.** Paasissutissat § 2-imiittut Aalisarnermut Naalakkersuisoqarfimmut paasissutissanik immersuiffissat [www.businessgreenland.gl](http://www.businessgreenland.gl)-imiittut atorlugit elektroniskimik nassiunneqassapput.

**§ 4.** Tunisassiorfiit aamma tunitsiviit pisussaaffeqarput tulaassat pillugit § 1, imm. 1-imi taasatut suliffeqarfimmik ingerlatsisunut ukiumoortumik naatsorsummik tunniussissallutik aamma tulaassisutut ingerlatsisimasuuusunut, tamanna eqqortumik paasissutissanik nalunaarusiorluinnarsimasumik tunniussinissaq ilanngussaq 1 aamma 2-mi taaneqartuni qulakkeeqqullugu.

*Imm. 2. Imm. 1-mi taasatut ukiumoortumik nalunaarut kaaviiartitat, ajunngitsorsiat (bonus) aamma suussusaanut aggulussimasunut aningaasarsiat allat pillugit paassisutissanik imaqassaaq.*

*Pineqaatissiinerit*

**§ 5.** Piaaraluni mianersuaalliorujussuarluniluunniit §§ 2, 3 imaluunniit 4-imit unioqqutitsisoq Kalaallit Nunaanni Pinerluttulerinermik inatsimmi maleruagassat naapertorlugit akiliisitaanermik pineqaatissinneqarsinnaavoq.

*Imm. 2. Inatsisitigut pisinnaatitaasutut pisussaatitaasutullu isigineqarsinnaasoq unioqqutitsisimappat, Kalaallit Nunaanni Pinerluttulerinermik inatsimmi maleruagassat naapertorlugit pinerluutinut akisussaatitsisoqarsinnaavoq.*

*Imm. 3. Akiliisitsissutit imm. 1 aamma 2-mi aalajangersakkat malillugit pineqaatissiissutigineqarsimasut Nunatta Karsianut pisassanngortinnejassapput.*

*Atortuulersitsineq*

**§ 6.** Nalunarut ulloq 2. august 2017 -i atuutilersinneqarpoq.

*Imm. 2. Peqatigitillugu Inuussutissarsiutigalugu aalisarneq pillugu tunisassiornikkut aningaasaqarnikkullu paassisutissanik nalunaarutiginnitarneq pillugu Namminersorlutik Oqartussat nalunaarutaat nr. 11, 29. juni 2015-imeersoq atorunnaarsinneqarpoq.*

*Namminersorlutik Oqartussat, ulloq 1. august 2017*

Karl Kristian Kruse

/

Jørgen Isak Olsen

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut

